

სსიპ

საქართველოს ტექნიკური უნივერსიტეტი

ბრძანება  
16.05.2014 № 94

თბილისი

პროფესიულ საგანმანათლებლო პროგრამებზე

2014 წლის 19 მაისიდან ჩარიცხული

პროფესიული სტუდენტების პირველი

სასწავლო სემესტრის განრიგის შესახებ


„პროფესიული საგანმანათლებლო პროგრამების კრედიტებით გაანგარიშების წესის დამტკიცების შესახებ“ საქართველოს განათლებისა და მეცნიერების მინისტრის 2010 წლის 10 დეკემბრის N121/5 ბრძანებისა და საქართველოს ტექნიკური უნივერსიტეტის პროფესიულ საგანმანათლებლო პროგრამებზე სასწავლო პროცესის მართვის ინსტრუქციის საფუძველზე, პროფესიულ საგანმანათლებლო პროგრამებზე 2014 წლის 19 მაისიდან ჩარიცხული პროფესიული სტუდენტების პირველი სასწავლო სემესტრის ორგანიზებულად ჩატარების მიზნით

#### ვ ბ რ ძ ა ნ ე ბ :

1. სააუდიტორიო მეცადინეობები თეორიის კომპონენტში – ლექციები და სამუშაო ჯგუფში მუშაობა (პრაქტიკული და ლაბორატორიული მეცადინეობები) ჩატარდეს 2014 წლის 19 მაისიდან 2014 წლის 25 ოქტომბრამდე.
2. საზაფხულო არდადეგები დაიწყოს 27 ივლისს და დამთავრდეს 7 სექტემბერს (იხ. დანართი 1);
3. პრაქტიკა, მისი სპეციფიკიდან გამომდინარე, ჩატარდეს სასწავლო კურსის პროგრამის (სილაბუსის) შესაბამისად;
4. პირველი შუალედური გამოცდა (ტესტირება) ჩატარდეს მე-7 სასწავლო კვირაში, 2014 წლის 30 ივნისიდან 5 ივლისის ჩათვლით, მე-2 შუალედური გამოცდა (ტესტირება) მე-14 სასწავლო კვირაში, 2014 წლის 29 სექტემბრიდან 4 ოქტომბრის ჩათვლით, ხოლო მე-3 შუალედური გამოცდა (ტესტირება) – 2014 წლის 27 ოქტომბრიდან 29 ოქტომბრის ჩათვლით (იხ. დანართი 1);
5. შუალედური გამოცდების (ტესტირებების) დღეებში სააუდიტორიო მეცადინეობები არ დაიგეგმოს (იხ. დანართები 1 და 2);
6. დასკვნითი გამოცდები ჩატარდეს 2014 წლის 30 ოქტომბრიდან 4 ნოემბრის ჩათვლით, ხოლო დამატებითი გამოცდები – 5 ნოემბრიდან 15 ნოემბრის ჩათვლით (იხ. დანართი 1);
7. სასწავლო კურსის წამყვანი მასწავლებელი/პროფესორი ვალდებულია უნივერსიტეტის ვებგვერდზე განთავსებულ სტუდენტთა შეფასების ელექტრონულ უწყისში (იხ. დანართი 3) შეიტანოს პროფესიულ სტუდენტთა შუალედური გამოცდის (ტესტირების), დასკვნითი ან/და დამატებითი გამოცდის (იხ. დანართი 2) შედეგები გამოცდის ჩატარების ბოლო ვადის მომდევნო ორი სამუშაო დღის განმავლობაში (17 საათამდე);


8. სემესტრის ბოლოს, არაუგვიანეს დამატებითი გამოცდების ჩატარების ბოლო ვადის მომდევნო  
ორი სამუშაო დღისა, სასწავლო კურსის წამყვანი მასწავლებელი/პროფესორი ელექტრონული  
უწყისის ამონაბეჭდზე (2 ეგზ.) ხელმოწერით დაადასტურებს მონაცემებს. დეპარტამენტის  
სპეციალისტი მოახდენს უწყისის რეგისტრაციას; უწყისის ერთ ეგზემპლარს ჩააკერებს შესაბამის  
საქადალდეში, ხოლო მეორე ეგზემპლარს გადასცემს დეკანატს არსებული წესის მიხედვით;
9. კონტროლი ბრძანების შესრულებაზე დაევალოს სწავლების დეპარტამენტს (ი. ლომიძე);
10. ბრძანება გამოიკრას თვალსაჩინო ადგილებზე და განთავსდეს უნივერსიტეტის ვებგვერდზე.

რექტორი

 ა. ფრანგიშვილი

ვიზები:


რექტორის მოადგილე

სასწავლო დარგში  ლ. კლიმიაშვილი

სწავლების დეპარტამენტის

უფროსი  ი. ლომიძე

იურიდიული დეპარტამენტის

უფროსი  ბ. მაისურაძე



## სტუდენტთა მიღწევების შეფასება

1. საქართველოს ტექნიკური უნივერსიტეტის პროფესიული განათლების ყველა საფეხურის პროფესიული სტუდენტებისათვის (შემდგომში სტუდენტი) შუალედური შეფასება მოიცავს 3 შუალედურ გამოცდას (ტესტირებას):
2. შუალედური გამოცდების (ტესტირებების) შეფასებებია:
  - I შუალედური გამოცდა (ტესტირება) – მაქსიმალური შეფასება 20 ქულა;
  - II შუალედური გამოცდა (ტესტირება) – მაქსიმალური შეფასება 20 ქულა;
  - III შუალედური გამოცდა (ტესტირება) – მაქსიმალური შეფასება 30 ქულა;
3. დასკვნითი და დამატებითი გამოცდის მაქსიმალური შეფასება არის 30 ქულა. დასკვნით გამოცდაზე გასვლის უფლება ეძლევა სტუდენტს, რომელმაც შუალედური შეფასებების ჯამში დააგროვა 21 და მეტი ქულა, ამასთან შეასრულა და დროულად ჩააბარა სილაბუსით განსაზღვრული სამუშაოების მინიმუმი (ლაბორატორიული/პრაქტიკული);
4. დასახელებული მინიმუმის შესრულების და შესაბამისი დოკუმენტური მასალის ჩაბარების აღსანიშნავად სააუდიტორიო მეცადინეობების ბოლო კვირის შეფასებების ფანჯარასთან ერთად გაიხსნება შესაბამისი ფანჯარა (შემდგომში – დოკუმენტური მასალის ფანჯარა) სათანადო მონიშვნის გაკეთების მიზნით. დოკუმენტური მასალის ფანჯარა იხსნება სილაბუსით განსაზღვრული თითოეული სამუშაოსათვის; დოკუმენტური მასალის ფანჯარა/ფანჯრები დაიხურება დასკვნითი გამოცდის ფანჯრის დახურვასთან ერთად;
5. საბოლოო დადებითი შეფასების გაფორმების მიზნით სტუდენტი ვალდებულია გავიდეს დასკვნით გამოცდაზე. დასკვნითი და დამატებითი გამოცდის მინიმალური დადებითი შეფასებაა მაქსიმალური შეფასების მეოთხედი (7,5 ქულა).
6. შუალედური შეფასებებისა და დასკვნით გამოცდაზე მიღებული შეფასების ჯამში 41-50 ქულის დაგროვებისას (FX შეფასება – ვერ ჩააბარა), აგრეთვე აღნიშნული შეფასებების ჯამში 51 და მეტი ქულის დაგროვებისას, მაგრამ დასკვნით გამოცდაზე არასაკმარისი შეფასების მიღებისას, სტუდენტს აქვს იმავე სასესიო პერიოდში დამატებით გამოცდაზე ერთხელ გასვლის უფლება;
7. დასკვნით ან/და დამატებით გამოცდებზე დოკუმენტურად დასაბუთებული საპატიო მიზეზით გამოუცხადებლობისას სტუდენტს, სწავლების დეპარტამენტის წარდგინებით და რექტორის თანხმობით, მიეცემა გამოცდებზე გასვლის უფლება მომდევნო სემესტრის დაწყებამდე;
8. დასკვნით და შესაბამის დამატებით გამოცდებს შორის შუალედი უნდა იყოს არანაკლებ 10 დღისა; დასკვნითი და დამატებითი გამოცდების შედეგები არ ჯამდება;
9. სტუდენტის საბოლოო შეფასება მიიღება შუალედური შეფასებებისა და დასკვნითი/დამატებითი გამოცდის შეფასების დაჯამებით. შუალედური შეფასებებისა და დასკვნითი გამოცდის შეფასების ჯამში 41-ზე ნაკლები ქულის დაგროვებისას (F შეფასება – ჩაიჭრა), შუალედური შეფასებებისა და დამატებითი გამოცდის შედეგად 51-ზე ნაკლები ქულის დაგროვებისას (შეფასებები FX ან F), აგრეთვე დასკვნით/დამატებით გამოცდაზე არასაკმარისი შეფასების მიღებისას (ქულების ჯამური რაოდენობის მიუხედავად),

სტუდენტს საგანი ახლიდან აქვს შესასწავლი;

10. სასწავლო პრაქტიკა, რომლის ჩატარების ვადები სააუდიტორიო მეცადინეობების ჩატარების ვადებს ემთხვევა, ისევე შეფასდება, როგორც დამოუკიდებელი სასწავლო კურსი ან მისი კომპონენტი (სილაბუსით განსაზღვრული ფორმატის შესაბამისად);
11. საწარმოო პრაქტიკა, რომლის ჩატარების ვადები სააუდიტორიო მეცადინეობების ჩატარების ვადებს არ ემთხვევა, შეფასდება სილაბუსში აღწერილი წესით;
12. სასწავლო კურსის წამყვანი მასწავლებელი/პროფესორი ვალდებულია ელექტრონულ უწყისში შეიტანოს სტუდენტის მიერ მიღებული შეფასება.

საქართველოს ტექნიკური უნივერსიტეტი

ფაკულტეტი

№ ..... პროფესიული ჯგუფის სტუდენტთა შეფასების უწყისი № .....

სწავლების წელი  სემესტრი  აკადემიური წელი -

საგანმანათლებლო პროგრამა:

სასწავლო კურსის დასახელება:

წამყვანი მასწავლებელი/პროფესორი

ECTS კრედიტი	სწავლების ფორმა და კვირული დატვირთვა, სთ :	ლექცია <input type="checkbox"/>	პრაქტიკული <input type="checkbox"/>	ლაბორატორიული <input type="checkbox"/>	<input type="checkbox"/>
		<input type="checkbox"/> სასწავლო პრაქტიკა	<input type="checkbox"/> საწარმოო პრაქტიკა	<input type="checkbox"/>	<input type="checkbox"/>

№	გვარი, სახელი	კვირები (თარიღები)						საბოლოო შეფასება, ქულა
		VII	XIV	XVIII	სულ, ქულა	XVIII-XIX	XIX-XX	
		შუალედური შეფასებები, ქულა				დასკვნითი გამოცდა, ქულა	დამატებითი გამოცდა, ქულა	
		I შუალედური გამოცდა (ტესტირება)	II შუალედური გამოცდა (ტესტირება)	III შუალედური გამოცდა (ტესტირება)				
	მაქსიმალური ქულა	20	20	30	70	30	30	100
1								
2								
3								
4								
5								
6								
7								
8								
9								
10								
11								
12								

სასწავლო კურსის წამყვანი მასწავლებელი/პროფესორი	ინიც. და გვარი	ბელმოწერა	თარიღი	ფაკულტეტის დეკანი	
აკადემიური დეპარტამენტის უფროსი	ინიც. და გვარი	ბელმოწერა	რეგ.№		თარიღი
				ინიც. და გვარი	ბელმოწერა